

20151293793

L I G J **PËR NDRYSHIMIN DHE PLOTËSIMIN E LIGJIT PËR VEPRIMTARI FILMIKE**

Neni 1

Në Ligjin për veprimtari filmike ("Gazeta Zyrtare e Republikës së Maqedonisë" numër 82/13, 18/14 dhe 44/14), në nenin 3 paragrafi (1) alineja 2 ndryshohet si vijon:

"- mbështetja e vazhdueshme e prodhimit të filmave vendore dhe mbështetje të projekteve me interes nacional në veprimtarinë filmike,".

Neni 2

Në nenin 4 në alinenë 1 pas fjalës "filma" presja shlyhet dhe shtohen fjalët: "dhe mbështetje e prodhimit të veprave tjera audiovizuale,".

Në alinenë 7 pas fjalës "Maqedonia" shtohen fjalët: "dhe jashtë vendit".

Neni 3

Në nenin 6 alineja 5 shlyhet.

Alineja 7 e cila bëhet aline 6 ndryshohet si vijon:

"-filmi i koproduksionit me pjesëmarrje financiare minoritare në Republikën e Maqedonisë" është film vendor në të cilin pjesëmarrja e Republikës së Maqedonisë nuk mund të jetë më shumë se 20%, por jo më pak se 10% në shpenzimet e përgjithshme për prodhimin e filmit,".

Pas alinesë 8 e cila bëhet aline 7 shtohet aline e re 8 si vijon:

"- projekte me interes nacional në veprimtarinë filmike të cilat financohen me mjete nga Buxheti i Republikës së Maqedonisë janë:

1. projekte për prodhimin e filmit artistik, dokumentar dhe të animuar me metrazh të gjatë dhe me metrazh të shkurtër dhe

2. projekte për mbështetje të të shkruarit të skenarëve vendore, për organizimin e festivaleve vendore dhe manifestimeve tjera filmike të karakterit ndërkombëtar, për distribuimin e filmave, për zhvillim të kinemave në Republikën e Maqedonisë, për paraqitjen e filmave në kinema, për përsosje profesionale të kuadrove në sferën e filmit, për zhvillimin e programeve edukative për avancim të kulturës filmike, për mbështetjen e anëtarësisë së Republikës së Maqedonisë në organizatat filmike ndërkombëtare, për mbështetjen e prodhimit të veprave tjera audiovizuale dhe për mbështetjen e lëshimit të botimeve nga sfera e veprimtarisë filmike,".

Neni 4

Në nenin 9 paragrafi (5) shlyhet.

Neni 5

Në nenin 11 në paragrafin (3) fjalët: "neni 10" zëvendësohen me fjalët: "nenet 4 dhe 10".

Neni 6

Në nenin 13 pas paragrafit (2) shtohet paragraf i ri (3) si vijon:

"(3) Nëse personat juridikë nga neni 12 paragrafi (1) alinetë nga 1 deri në 7 të këtij ligji nuk i dorëzojnë të dhënat nga neni 13 paragrafi (1) nga ky ligj, në Agjencinë në afatin e përcaktuar në paragrafin (1) të këtij neni, lartësinë e kompensimit e përcakton Agjencia në bazë të të dhënave të marra nga Regjistri qendror i Republikës së Maqedonisë për të hyrat e përgjithshme vjetore të personave juridikë nga neni 12 paragrafi (1) alineja 1 deri 7 e këtij ligji, të realizuara në vitin paraprak, për çka u lëshon aktvendim.".

Paragrafët (3), (4), (5) dhe (6) bëhen paragrafë (4), (5), (6) dhe (7).

Neni 7

Në nenin 18 paragrafi (1) pas alinesë 5 shtohen dy aline të reja 6 dhe 7 si vijojnë:

"- i zbaton vendimet e Bordit Drejtues.

- miraton aktvendime, udhëzime, plane, programe dhe akte tjera për të cilat është i autorizuar me ligj,".

Neni 8

Në nenin 22 paragrafi (3) në alinenë 1 fjala "konkursi" zëvendësohet me fjalën "konkurset", ndërsa fjalët: "paragrafi (1)" shlyhen.

Në alinenë 2 fjala "konkursi" zëvendësohet me fjalën "konkurset" dhe fjalët: "paragrafi (1)" shlyhen.

Alineja 4 shlyhet.

Neni 9

Në nenin 23 paragrafi (1) ndryshohet si vijon:

"Për evaluimin e projekteve të dorëzuar në konkursin nga neni 25 i këtij ligji, drejtori i Agjencisë emëron recensentë filmikë.".

Në paragrafi (2) në alinenë 1 fjalët: "paragrafi (1)" shlyhen.

Në alinenë 3 fjala "konkursi" zëvendësohet me fjalën "konkurset" dhe fjalët: "paragrafi (1)" shlyhen, ndërsa lidhëza "dhe" në fund të fjalisë zëvendësohet me pikë.

Alineja 4 shlyhet.

Neni 10

Në nenin 25 paragrafi (1) fjalët: "film artistik me metrazh të gjatë dhe me metrazh të shkurtër, për dokumentar dhe të animuar" zëvendësohen me fjalët: "artistik, dokumentar dhe të animuar me metrazh të gjatë dhe me metrazh të shkurtër".

Paragrafi (2) ndryshohet si vijon:

"Për financimin e projekteve nga neni 6 alineja 8 pika 2 e këtij ligji, Agjencia gjatë vitit shpall konkurse.".

Në paragrafin (4) në alinenë 3 fjalët: "dhe matës" shlyhen.

Neni 11

Në nenin 26 paragrafi (2) në alinenë 2 pas fjalëve: "projekti filmik" shtohen fjalët: "me përjashtim të filmit të koproduksionit me pjesëmarrje financiare minoritare të Republikës së Maqedonisë, ku minimumi i pjesëmarrjes personale të producentit filmik nga Republika e Maqedonisë është në shumë prej 4% të mjeteve të marra nga Agjencia".

Në paragrafin (3) në alinenë 1 lidhëza "ose" zëvendësohet me lidhëzën "dhe".

Neni 12

Në nenin 28 pas paragrafit (1) shtohet paragraf i ri (2) si vijon:

"(2) Me përjashtim të paragrafit (1) të këtij neni, kriteret nga paragrafi (1) i këtij neni nuk aplikohen te filmat e koproduksionit me pjesëmarrje financiare minoritare të Republikës së Maqedonisë dhe projektet filmike të cilat në konkursin për financim të projekteve filmike me interes nacional të Agjencisë, kanë marrë mjete në shumë më të vogël se 5.000,000,00 denarë.".

Paragrafi (2) bëhet paragraf (3).

Neni 13

Në nenin 37 pas paragrafit (1) shtohet paragraf i ri (2) si vijon:

"(2) Me përjashtim të paragrafit (1) të këtij neni, më së paku 80% të mjeteve të ndara nga Agjencia, për financim të filmit të koproduksionit me pjesëmarrje financiare minoritare të Republikës së Maqedonisë, doemos duhet të shpenzohen në Republikën e Maqedonisë".

Neni 14

Ky ligj hyn në fuqi në ditën e botimit në "Gazetën Zyrtare të Republikës së Maqedonisë".